


還菴隨筆

清·梁章鉅著



西名最著者如實
 唱軍文令喜懷
 兵官海軍戰勝者
 實有年所於一月
 之前在禮部御前
 演習藝視者為
 該部堂官及副進
 呈高標之錄為四
 帝乃提數文德
 舞手同戲兩階
 七旬有節過令
 即達隨不請而
 惟德可以動天
 先聖
 後聖其揆一也

江蘇廣陵古籍刻印社

I262.49

24

I262.49

3

福州梁章鉅先生編

還菴隨筆

君宜題

退 庵 隨 筆

江蘇廣陵古籍刻印社出版發行

(揚州市鳳凰橋街)

金壇市古籍精裝印務有限公司印刷

開本: 787 × 1092 1/32

印張: 18 $\frac{3}{4}$

1997年12月第一版 1997年12月第一次印刷

印數: 1 - 800

定價: 28.00 圓

SGBH 7 - 60101 - 245 - 7 / I · 5

退菴隨筆序一

隨筆一書較桂林相國五種有其過之真名臣言論也執事以心得之學筆之於書可坐而言起而行於世道人心所裨不淺時賢著作如此可貴耳前贈樞垣紀畧掌故所繫是樞廷不可少之書至今繙讀不倦今復得此編耳目又爲之一新所論皆平允通達之至兄之拙著亦有與尊說暗合者中間並無刺謬可傳之書也其參酌先儒語錄議論正大和平實有益於身心性命之學願執事蒞治後即以廣示吏民兄讀之起敬起畏想他人讀之亦然成就多少好官成就多少好人此豈尋常著作之比哉謹當日置座右以爲晚節之助云道光十六年夏六月愚兄阮元識

昨將大著隨筆研讀一過不禁五體投地先生學問經濟根柢具見於此始知年來揚歷中外所膺雖皆極繁劇未嘗一日廢書不觀也書中大指以誘善黜邪訂譌砭惑爲主有顧氏日知錄之精博而切近過之有呂氏呻吟語之周摯而明通勝之立言如此可以不朽矣安得學者家置一冊心體力行所裨於世者非淺鮮矣侍何凌漢謹序

退菴隨筆序二

隨筆者隨時見道而筆之欲其勿忘也道不可須臾離無物不有無時不然故子思子言道極之三百三千至動而不可亂也至賾而不可惡也非好學深思心知其意則道不遠人而人且自遠之烏在其能見也故曰苟不至德至道不凝焉大畜之象曰君子以多識前言往行以畜其德此隨時見道之實功也隨時識即隨時畜隨時畜即隨時凝然而難言之矣必也剛健其力篤實其志又加之日新不已而後其畜也大溫公通鑑自言一生精力盡在是矣成之也艱則其行也遠退菴此書蓋亦日新不已積一生之精力以成之而仕學一貫文武兼資修齊治平無弗備焉則通鑑其經而茲殆其緯也通鑑紀代以資治託始威烈上接春秋茲編分門垂訓用便承學之士斷自唐宋迄於我朝蓋取近而易徵且事變相類於法戒尤切太史公所稱可施廊廟者不其然歟乃若義正事覈一洗說部雜家之陋得其單辭片語皆可持守終身尤有合於大畜利貞之旨是書也出將胥斯世斯民而畜之矣退菴其何能退哉館後學善化賀

長齡謹序

退菴隨筆者隨所見之書而筆之隨所聞之言而筆之隨所歷之事而筆之而於庭訓師傳尤所服膺藉以檢束身心講求實用而已初無成書義例也日月既積楮墨遂多里居多暇方取而整比之以類聚以卷分則凡可以勸善黜邪訂訛砭惑者咸具焉。曩有古格言之刻以唐五代前爲斷茲編則自有宋以迄今茲時代愈近其辭愈費而其旨益暢其境亦益新乙夏奉

召復出乃以稿自隨去歲過關中遽爲友人付梓攜至日下同入皆以爲有用之書非說部雜家比爰質之儀徵師相承爲增刪數事題字卷端既抵桂林公餘復有勸補擴爲十五門二十二卷重付手民因紀其緣起如此道光十七年春退菴居士自記

退菴隨筆目錄

卷一

躬行

卷二

交際

卷三

學殖

卷四

官常

卷五

官常

卷六

政事

卷七

政事

卷八

政事

卷九

家禮

卷十

家禮

卷十一

家誠

卷十二

攝生

卷十三

知兵

卷十四

讀經

卷十五

讀經

卷十六

讀史

卷十七

讀子

卷十八

讀子

卷十九

學文

卷二十

學詩

卷二十一

學詩

卷二十二

學字

退菴自訂年譜

退菴居士系出安定梁氏名章鉅字閔中又字荳林晚年自號退菴由泉州宋丞相文靖公派下分居福州長樂縣南鄉之江田里國初遷居福州城中自前明迄今十五傳皆爲郡縣學諸生不斷河間紀文達公督學閩中以書香世業扁旌吾閭乾隆四十年乙未七月初六日生於福州淳仁里時先考翼齋公上公車未回是年先叔父九山公成進士入翰林翼齋公諱贊圖字斯志又字翼鷹行二乾隆戊子與同懷弟九山公同舉於鄉考補內庭咸安宮教習門

士濶縣劉鴻
翔并填諱

丙申二歲

丁酉三歲長房伯兄虛白公

初名功改
名際昌

入縣庠

戊戌四歲虛白伯兄爲發蒙先妣王太夫人自課之

己亥五歲十月先大母林太淑人棄世是年翼齋公教習期滿引見以知縣

用回里即丁憂

庚子六歲在家讀書先考自課之

辛丑七歲先考授徒於經院巷彭宅隨往讀書

壬寅八歲先考授徒於開元頭林宅隨往讀書

癸卯九歲先考授徒於楊橋巷蔣宅隨往讀書始學作小詩是年同懷弟章珩生

甲辰十歲先考授徒於鹽法道德清戚公署齋閤三月先妣王太夫人棄世太夫人少以孝稱在室時嘗割臂肉療父篤疾先考爲作傳畧紀之

乙巳十一歲先祖天池公棄世公弱冠即爲名諸生以耆儒宿學教授里中五十餘年值八十壽紀文達公有文祝之文載公集至是考終年八十二歲是秋先考

爲廈防郡丞漢軍劉公延請課子隨往讀書福州距廈門五百里是冬以臺灣林爽文滋事軍興孔急道梗不得歸

丙午十二歲仍在廈門廳署始學作八股文並隨先考偕同里先達鄭蘇年光緒策何寶齋西秦林于川雨化張燮邦經邦諸公徧游厦島各巖洞復泛海覽鼓

浪嶼之勝時厦門洋船叢集商賈殷賑仙山樓閣甲於南天聞近日井里蕭條大有今昔之感矣是年長房三兄曼雲公初名雷改名運昌改入縣庠

丁未十三歲冬隨先考回福州移住新美里與九山公同居從虛白伯兄學舉子業

戊申十四歲學使者雲間陸耳山師錫熊甄別生童余以第九名童生錄送鰲

峯書院肄業山長爲孟考功瓶菴先生超然都講即虛白伯兄也

己酉十五歲春隨先考往仙遊金石書院讀書秋與四房四兄澤卿公雲鏡同

赴長樂縣試受知於漢軍王弼齋師佑郊錄取第二名

庚戌十六歲與三兄曼雲公同在鰲峯書院二賢祠讀書

辛亥十七歲受知於丹陽吉渭厓師夢熊以第一名取入長樂縣庠是年隨同

邑陳茂真師士偉讀書於觀音橋齊氏之漱芳軒

壬子十八歲隨外舅鄭蘇年師讀書於洗銀營趙氏之紅玉齋是秋鄉試卷備

而不薦

癸丑十九歲仍隨蘇年師始學作詩賦雜文是年四兄澤卿公入縣庠

甲寅二十歲隨林暢園師茂春讀書於洗銀營陳氏之鳳池書屋是秋鄉試與

虛白伯兄曼雲三兄同舉於鄉座主爲歙縣程蘭翹師昌期仁和關晉軒師槐

房官爲涇縣吳虛谷師潘

乙卯二十一歲會試薦而不售房官爲鄱陽胡果泉師克家遂留京過夏考取

景山官學教習是年澤卿兄舉於鄉

嘉慶元年丙辰二十二歲會試薦而不售房官爲山右李石農師鑒宣五月由

運河回閩七月患瘧至重陽始到家冬至前一夜而止歲杪鄭夫人來歸即蘇
年師長女也

丁巳二十三歲授徒西門街劉宅

戊午二十四歲授徒南營姜宅章垣弟入縣庠是冬先考以知縣選期將到呈
明不願外任選得汀州府甯化縣學教諭挈章垣弟赴任而命余上公車

己未二十五歲會試薦而不售房官爲吳縣吳少甫師樹萱同房曼雲三兄遂
成進士入翰林六月回家仍在蘇年師館中課文

庚申二十六歲大兄逢辰生輯東南嶠外書畫錄二十卷自爲序

辛酉二十七歲會試以九山公爲內簾同考官回遯未入場與大挑又不得乃

就補景山教習

壬戌二十八歲會試以二甲第九名成進士座主爲紀文達師鉛山熊謙山師

枚滿洲玉研農師麟大庾戴可亭師均元房官爲高陽韓湘帆師衡朝考

入選第二名因受知於大興朱文正師珪大庾戴文端師衡亨長沙劉文恪師

權之滿洲英煦齋師和那繹齋師彥成萊陽初頤園師彭齡浦城祖舫齋師之

望引見以翰林院庶吉士用教習師爲黃陂帥仙舟先生承瀛是秋聞先考

甯化之訃踉蹌南奔由江西取道汀州入甯化計署中視含殮者惟章埒弟一

人痛哉

癸亥二十九歲正月始至甯化學署四月扶櫬回福州從苦山中編輯翼齋公

遺詩文兩卷行狀一卷又輯家譜四卷

甲子三十歲鄭蘇年師終於鰲峰講席與同門友沙縣陳名世同校刊西霞文

鈔兩卷爲之序吾師遺文此其一斑也

乙丑三十一歲二月服闋進京散館以二等第五名引見改部主事籤掌禮

部入儀制司行走是秋因病請假回籍在部時輯南省公餘錄四卷謝彌泉先

生振定爲之序嗣復拓爲八卷付梓

丙寅三十二歲家居輯長樂詩話八卷自爲序

丁卯三十三歲掌浦城南浦書院講席秋挈季生

聲文

游武彝有游記及詩紀

之祖舫齋師陳恭甫編修

壽祺

各爲之序

戊辰三十四歲仍赴南浦講席秋爲本省撫部張蘭渚先生

師誠

延入幕中爲

撰擬頒冊及奏御文字並校勘所進遺書數十種各加按語如

四庫書提要

之例

乙巳三十五歲仍赴南浦講席輯東南嶠外詩文鈔若干卷陳恭甫爲之序

庚午三十六歲仍赴南浦講席輯夏小正通釋四卷南浦詩話四卷皆祖舫齋

師爲之序

辛未三十七歲復入張撫部幕與陳恭甫分纂

御製全史詩註六十四卷是

春爲先考妣合墓祖舫齋師爲之誌銘事畢仍赴南浦講席校補倉頡篇三卷

選輯閩文典制鈔四卷是年次兒丁辰生

壬申三十八歲仍赴南浦講席秋後回家開藤花吟館集里中諸名流觴詠其

中有藤花吟館畫卷陽湖李中耆邑侯

兆洛

欽縣程春海侍郎

恩澤

並爲之記

癸酉三十九歲仍赴南浦講席與鄭松谷鵬程林寥懷軒開二親家重游武彝

又與全生微蘭游魚梁萬葉寺志乘所謂天下十大名山之一也是冬挈眷進

京在浦城祝東巖親家昌泰有斐園中度歲

甲戌四十歲三兒恭辰生於台莊舟次八月抵京進署銷假仍在儀制司行走

是歲由運河北上滯居漕艘中百餘日取舊讀昭明文選筆記之件編錄而增

益之是爲文選旁證之權輿自是每年趨公之暇輒涉筆焉

乙亥四十一歲同劉芙初吳蘭雪陳石士李蘭卿謁翁章溪師爲蘇齋詩弟子

者三年是夏聞四叔父九山公之訃公諱上國字斯儀又字九山乾隆乙未進

士歷官翰詹科道洊至太常卿終於廣西學政任所陳恭甫銘其墓

丙子四十二歲兼精膳司幫辦掌印是秋考選軍機章京以第一卷引見

記名是冬入宣南詩社胡墨莊侍御承珙潘功甫舍人曾沂各爲之記輯春曹

題名錄六卷

丁丑四十三歲四兒映辰生秋與顧南雅統龔季思守正二同年游西山有詩

紀之又與陳石士編修用光陶雲汀給諫澍王北堂明經道齡游昌平有文紀之

戊寅四十四歲入直軍機是秋扈 蹕盛京來往七十三日游醫無閭及松杏諸山以校勘科場條例被議降一級留任旋以扈從議叙加一級

己卯四十五歲三月扈蹕 東陵 南苑 公餘偕同人坐山轎登雲

寺又於月夜上古中盤飲至 晨始下入直各有詩紀之是冬以 覃恩誥授

奉直大夫 誥贈先考如章鉅官先妣王氏爲宜人 封妻鄭氏爲宜人

庚辰四十六歲扈 蹕灤陽加一級又恭送 睿廟梓宮加一級又恭遇 覃

恩兩次各加一級是役恭逢 睿廟升遐變生倉猝前無故實可稽樞廷直務

填委而禮臣隨扈者堂官僅黃左田大宗伯 一人漢司員僅章鉅一人奏疏

文移責無旁貸時樞臣禮臣皆日數 召見斟酌典禮體大思艱余以一小臣

往復其間哀苦之餘益增凜懼蓋不敢休息者徹數晝夜自禮部堂屬官續到

者數人乃始分任其勞藉免隕越云九月回京兼祠祭司行走是冬以 覃恩

誥授中憲大夫 晉贈先考爲中憲大夫先妣王氏爲恭人 誥封妻鄭氏爲

恭人

道光元年辛巳四十七歲五兒敬辰生二月以補授主客司主事引 見仍在

儀制祠祭兩司行走禮曹四司至是乃徧歷焉三月扈蹕易州以恭襄山陵大典議敘加隨帶二級四月以考試差引見六月由軍機大臣以行走勤慎議敘奏准即升員外郎先換頂戴十一月以補授議制司員外郎引見是年充大清通禮館纂修又充內廷方畧館纂修又以與同人分校遼金元三史地名人名官名余分得金史全部又分纂西域圖志未成書

壬午四十八歲由禮部堂官以才具練達克稱厥職保舉京察一等二月由吏部引見奉硃筆圈出交本部堂官查看復加才識精明辦事老練堪勝外

任考語引

見記名以繁缺道府用仍加一級閏三月授湖北荊州府知府次

日具摺陳謝

召見於乾清宮西房五月挈眷出都六月莅荊州任是月即

奉檄兼護荆宜施道兼管荊州鈔關監督先是所屬監利縣與沔陽州民以爭水相仇殺官不能治大府檄予馳往查辦乃先以詩歌代爲文告勸諭之又爲親蒞水濱議清界址兩境士民悉服其惠遂平公餘編輯樞垣紀畧十六卷朱詠齋同年士彥爲之序蓋前數年在樞直時稿本至是始彙次成書云

癸未四十九歲擢授江南淮海河務兵備道五月挈眷由大江順流東行六月

至清江浦莅任輯江漢贈言二卷皆楚省僚窠士民送行之作黎湛溪河帥世序爲之序九月以霜降安瀾議敘紀錄二次是冬以覃恩誥授朝議大夫

誥贈先考如章鉅官誥贈先妣王氏爲恭人誥封妻鄭氏爲恭人

甲申五十歲以前在方畧館校勘金史書成由軍機處奏准從優議敘加一級

紀錄二次九月調署江蘇按察使駐滄浪亭行館有滄浪亭題詠兩卷張蘭渚

先生林少穆尚書則徐各爲之序十月以霜降安瀾議敘紀錄二次十一月回

淮海任值高家堰失事勞勞襄辦者三閱月有上嚴小農河帥順乞免調任淮

揚道書上星使文秋潭字汪瑟菴廷珍二尚書請修復堰圩二隄書

乙酉五十一歲春管理盤運漕糧總局五月調署江蘇按察使七月又調回盤

運漕糧總局九月將滯漕二百萬石全數盤運渡黃北上是役請撥銀一百一

十萬至是竣事計節省銀三十二萬奏入自督部河帥以下皆甄敘有差遂擢

山東按察使先是制河二大府銳意治河方議挑關孟兩灘以取直又議改上

流海口以利運又欲開王營減壩以洩漲悉係淮海所轄地方余皆力陳其不

可以去就爭之事遂不果迨余去任始紛紛興辦矣是年大兒逢辰登鄉薦第